

本草蒙筌

二


特7
8
512



21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

3-96

本草蒙筌



二

26.10.26

21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

国立国会図書館

タイトル『撮要便覧本草蒙筌12巻首1巻』 請求記号 特7-512

ガラス使用

特7-512

伊藤大郎印

撮要便覽本草蒙筌卷之二

新安初門 陳嘉謨 廷采 纂輯

門生歛色 葉 斐 鮑倚 校刊

門生 婿 胡一貫 姪晨 校正

草部中 書林劉氏 本誠堂 廷衢 刊行

尋麝 味辛氣溫升也陽也無毒生川蜀名雀腦者

圖竇而重吹如用治凡病證俱優產歷陽州府名馬

雀腦此上品也 街芎者 根前大莖細 含止齒根血獨妙京芎 閩中所

種 閩中 古西 京多 功專 療偏 頭疼 台芎 出 台州 屬 浙

只散風去濕撫芎出撫郡 屬 江 性開鬱寬胸餘產人

藥不堪煮湯浴身則可一名香果嘗載圖經秋採曝



乾拯疴形擇重實潔白油者惡黃者山菜狼毒畏硝
石滑石黃連及藜蘆使白芷乃手少陽本經之藥又
入手足厥陰二經堪佐升麻升提氣血止本經頭痛
一血虛頭痛之不可遺餘經頭痛亦宜用散肝經諸風
頭面遊風之不可缺上行頭目下行血海通肝經血
中之氣藥也治一切血破癥結宿血而養新血及鼻
洪吐血溺血婦人血閉無娠治一切氣噎心腹結氣
諸般積氣併脇痛痰氣疝氣中惡卒痛氣塊排膿消
瘀長肉蒸理外科温中燥濕散寒專除外感得牡蠣
療頭風旋暈吐逆得細辛治金瘡作痛呻吟同生地
黃酒煎禁崩漏不止用陳艾湯調末試胎孕有無婦人

經斷三四月用此藥服之所忌須知單服又服犯則
腹內竟動是孕否則病也走散真氣令人暴亡務加他藥佐之中病便已○**蕪**
蕪係芎藭葉地產又尚雍州屬郤風眩止泄瀉除
蠱毒鬼疰主欬逆驚癇

誤按芎藭不宜單服久服犯則走散真氣令人暴
亡無乃因其氣味辛温辛甘發散之過丹溪嘗此
示人也又古一婦感患頭風服芎半年一旦暴死
亦載經註垂戒叮嚀迹此觀之芎散之禍信弗輕
矣故今明醫每用四物湯治虛怯勞傷減去其芎
亦鑒此轍奈何鄉落愚民罔明藥性時採土芎煎
茶謂啜香美躰氣稍實僥倖無虞儻涉虛羸鮮不

芍藥

蒙其禍者惟歸天命果真天作孽耶抑自作孽耶
 味苦酸氣平微寒氣薄味厚可升可降陰中之
 陽有小毒近道俱生淮南獨勝開花雖顏色五品入
 藥惟赤白二根山谷花葉單根重實有力家園花葉
 盛根輕虛無能及藜蘆惡硝斛羊硝畏硝石鼈甲小
 薊使烏藥沒藥雷丸入手太陰肺經及足太陰脾臟
 赤白因異製治亦殊赤芍藥色應南方能瀉能散生
 用正宜白芍藥色應西方能補能收酒炒終妙若補
浸日曝勿見火赤利小便去熱消癰腫破積堅土火盛眼疼
 要藥白和血脉緩中固腠理止瀉痢為血虛腹痛捷
 方已後數條惟白可用得其草灸為輔佐兼主治寒

熱腹疼熱加黃芩寒加肉桂與白朮同用補脾與參
 耆同用益氣與川芎同用瀉肝凡婦人產後諸病切
 忌煎葷因其酸寒恐伐生發之性故也儻不得已要
 用桂酒煎肉桂漬炒少加血虛寒人亦禁莫服經云冬
 月戒芍藥以避中寒則可徵矣

謨按芍藥何入手足太陰也蓋酸澁者為上為收
 斂停濕之劑故爾雖主手足太陰終不離於收降
 之躰又至血海而入九地之下直抵於足厥陰焉
 氣味酸收又何利小便也蓋腎主大小二便用此
 益陰滋濕故小便得通仲景治傷寒每多用者抑
 非以其主寒熱利小便乎一說芍藥本非通利之



藥因其能停諸濕而益津液故小便自利於義亦通又何謂緩中也蓋損其肝者緩其中即調血止痛之謂丹溪云芍藥惟止血虛腹痛然諸痛並宜辛散此僅酸收故致血調血調則痛自止豈非謂緩中耶

黃芩

味苦氣平大寒味薄氣厚可升可降陰也陰中

微陽無毒所產尚彭城屬凡用澤深色剔去內朽

刮淨外衣薄片咀成生炒如式單惡葱實勿令同煎

畏丹砂牡丹藜蘆用山茱龍骨引使枯飄者名宿芩

入手太陰上膈酒炒為宜堅實者名子芩入手陽明

下焦生用最妙宿芩瀉肺火消痰利氣更除濕熱不

留積於肌表間子芩瀉大腸火養陰退陽又滋化溼

常克溢於膀胱內一赤痢頻併可止一赤眼脹痛能

消得五味蒙蠟五味子牡蠣育妊娘得白朮砂仁安胎

孕療鼠瘻同者欵赤豆黃耆白欵赤小豆治腹疼同厚朴黃

連又煎小清空膏載丹方單味而清頭腦總除諸熱收

盡全功子研細煎湯治腸辟膿血

黃連

味苦氣寒味厚氣薄可升可降沉也陰也陰中

微陽無毒宣連出宣城屬南直隸肥龕苗少去苗收者川連生

川省瘦小苗多帶苗收者並取類鷹爪連珠不必分地土

優劣日曝待甚乾燥布裹接音淨鬚苗治諸火邪依

各製炒火在上炒以醇酒火在下炒以童便實火朴

硝虛火醋痰火姜汁伏火火伏下焦者 益湯氣滯火同

吳茱萸血瘕火拌乾漆末食積瀉亦可服陳壁土東

者研炒之 硝朱漆土俱研 細調水和炒 肝膽火盛欲飲必求猪膽

汁炒又治赤眼人乳浸蒸或點或吞立能劫痛勝烏

附烏頭子畏欬冬惡羌菊羌花玄參忌猪肉冷水為使

黃芩龍骨入手少陰心經巴豆遇之其毒即解可熬

膏煎液任合散為丸香連丸廣木香和換為腹痛下

痢要藥茱連丸吳茱萸佐助乃吞吐酸水神方如止

消渴便多單研密丸亦效同枳殼治血痔同當歸治

眼瘡佐桂蜜煎服空心黃連為君 左官桂少許 煎百沸入蜜空心服之 使心

腎交於頃刻鎮肝涼血凡治血防風為上使黃調 連為中使地榆為下使調

厚腸益膽止驚瀉瀉心除痞滿去婦人陰戶作腫愈

小兒食土成疳消惡瘡惡癰却濕熱鬱熱○又種生

菴胡國土因以胡黃連為名乾如楊柳枯枝折斷一

線煙出氣平寒味尤苦甚心內黑皮畧淡黃惡玄參

菊花亦解巴毒忌猪肉悞食令人洩精瘵癆熱骨蒸

治傷寒欬嗽溫瘧多熱即解久痢成疳竟除補肝膽

劫目痛尤靈理腰腎欬陰汗最捷小兒盜汗潮熱婦

人胎蒸虛驚並宜用之不可缺也

黃按苦先入心火必就燥黃連苦燥乃入心經雖

云瀉心實瀉脾臟為子能令母實實則瀉其子也

但久服之反從火化愈竟發熱不知有寒故其功

効惟初病氣實熱盛者服之最良而又病氣虛發熱服之又反助其火也

桔梗

味辛苦氣微溫味厚氣輕陽中陰也有小毒高

山前註雖盛近道亦多交秋分後採根滋味苦者入藥

蘆由去淨滓漬洗米泔焙乾入手足肺膽二經畏白

及龍眼龍膽開胸膈除上氣壅清頭目散表寒邪

脇下刺痛通鼻中窒塞咽喉腫痛急覓中惡蠱毒當

求逐肺熱住欬下痰治肺癰排膿養血仍消悲怒尤

卻怔忡又與國老草其並行同為舟楫之劑載諸藥不

致下墜引將軍歎可使上升解利小兒驚癇開提男

子血氣○齊危別種味甘氣寒在處山谷生苗與桔

梗似根甚甘美可亂人參土人取蒸壓匾以克人參

賣者即此是也善解諸毒別無所能蛇蟲毒搗敷藥

石毒生服以毒藥與之共處其毒氣自旋消無野猪

被毒前中傷亦每食此物得出

括樓實

味苦甘氣寒味厚氣薄屬土有水陰也無毒

春生山野僻處苗係藤蔓引長葉作人有毛以花

淺黃六瓣以實結拳火青斬赤黃皮黃蒂小正圓

者名括皮赤蒂籠銳長者名樓名傳雖異證治相同

霜降採收因爾搗爛或煨蛤蚧粉和括樓一斤蛤蚧粉

半或研明礬末括樓一斤明礬四兩各以新瓦貯盛置於風

日處所待甚乾燥復研細霜明礬者號如聖丹用姜

汁打糊丸就生姜湯吞下蛤蜊者勝真海粉可多備

聽用一年辨出諸方並主痰喘效哮喘服下神効立獲取

子剥殼用仁重紙包只一度免人惡心母多

次失藥潤性畏牛膝乾漆及附子烏頭惡乾薑使拘

杷味并補肺捷性潤下氣佳令垢絲鬱開故傷寒結

胸必用俾火彌痰降凡虛怯癆嗽當求鮮消湯生津

悅皮膚去皺下乳汁炒香酒調末服取仁炒香熟為末酒調一匕覆

少時止諸血並炒入藥煎湯一切血搗汁濃煎

中喝音傷暑服効○又天花粉即稻稜根挖深土者

曝乾刮籬皮淨咀片善潤心中枯渴大降膈上熱痰

腫毒排膿潰瘍長肉消撲按瘀血除時疾熱狂毆酒

瘰去身面黃通月水止小便利仍治偏疝酒浸微煎

如法服之住痛如劫先以綿袋包煖陰囊取天花粉

午微煎滾於天空下露過一兩以醇酒一盞造粉調

粥日食亦潤枯燥補虛

貝母 味辛苦氣平微寒無毒荆襄多生苗莖青色葉

如大麥葉花類莖子花近冬採根晒乾聽用有瓣如

聚貝子故人以貝母名黃白輕鬆者為良油黑重硬

者勿用去心咀片入肺行經消膈上稠痰久欬嗽者

立効散心中逆氣多愁鬱者殊功仲景治寒實結胸

製小陷胸湯以括樓子黃連韓斯作主味辛散苦

今方改用海藏療產後無乳立三母散用牡蠣如母

四



尊此為君徒俗時服足生人面惡瘡燒灰油敷收口產
雞胞衣不出研末酒服離懷時疾黃疸能破赤眼膚
醫堪點除疝瘕喉痺止消渴熱煩○又丹龍贖係獨
類護無分折儻候煎服令遍身筋不收持藍汁黃精
合飲即解

謾按世倍多以半夏有毒棄而不用每取貝母代
之殊不知貝母乃太陰肺經之藥半夏乃太陰脾
陽明胃經之藥何得而相代耶且夫效嗽吐痰虛
勞吐血咯血痰中見血咽痛喉閉肺癰肺痿婦人
乳難癰疽及諸鬱證此皆貝母為向導也半夏乃
為禁用若涎者脾之液也美味膏梁炙博太料皆
生脾胃溫熱故涎花稠粘為痰久則生火痰火上
攻故令昏懵不省人事口禁偏廢僵仆寒澁不
生死旦夕自非半夏南星局可治乎若以貝母代
之則束手待斃矣

款冬草

味辛甘氣溫陽也無毒生常山縣名屬山谷

及上黨詩水傍葉大成叢似葵花出根下如菊百草

中惟此不顧冰雪最先春者也原呼鑽凍今名款冬
擇未舒嫩葢採收去向外表花零殼甘草湯浸一宿
待乾揉碎總煎石皂莢玄參晨麻黃辛夷貝母
仍畏四味苧連者霜黃者青霜使杏仁宜紫苑治肺
癰膿血腥臭止肺欬痰唾稠粘潤肺瀉大邪下氣定

喘促却心虛驚悸去邪熱驚癩補劣除煩洗肝明目
又歐又救燒烟吸之

紫苑

味苦辛氣溫無毒近道多生真定平名屬獨勝

根甚柔細春初採收水洗淨去頭蜜浸宿焙用忌雷
尤遠志惡瞿麥天雄畏茵陳高使欬冬蓋主欬逆痰

喘肺痿吐膿治小兒驚癩寒熱結氣虛勞不足能補

蠱毒痿蹙甚歐仍佐百部欬冬研末姜梅湯下共治

又救立建神功鼠冬蓋各一兩百部五錢為末每服

一服○女苑氣味同漢中蜀名屬川谷產一名白兔

惟畏鹵鹹紫苑缺時用此可代亦主驚癩寒熱氣喘
又止霍亂腸鳴瀉痢除肺傷欬勤去膀胱支滿

馬兜鈴

味苦氣寒陰中之陽無毒供有野坂尤

多藤曼繞樹而生結實如鈴五瓣去革膜取向裏匾

子入藥劑微炒燥為良燒煙熏痔瘻墜瘡煎湯切痰

結喘促去肺熱止欬清肺氣補虛○根名青木香亦

為散氣藥

木香

味其苦氣溫味厚於氣降也陰中陽也無毒出

自外苗來從閩廣形如枯骨苦口粘牙凡欬用之勿

見火日合丸散日際熏乾煎熟湯臨服投末氣劣氣

不足能補氣脹氣窒塞能通和胃氣如神行肝氣最

捷散滯氣於肺上膈破結氣於中下焦欬九種心疼

逐積年冷氣藥之佐使亦各不同破氣使換御和胃

佐薑橘止霍亂吐瀉嘔逆翻胃除痞癥塊臍腹脹
疼安胎健脾誅癰散毒和黃連治暴痢用火煨實大
腸辟瘟疫邪禦霧露瘴易老云總謂調氣之劑不宜
久久服之

謹按王海藏謂本經云主氣劣氣不足藥性論謂
安胎健脾是皆補也衍義謂瀉胃腹室塞積年冷
氣日華子謂除痞癥塊是皆破也易老總謂調
氣之劑不言補不言破諸說不同何耶恐與補藥
為佐則補與瀉藥為佐則瀉故云然也

大茴香即護味辛氣平無毒鄉落多生秋月方採殼有
八角子赤藏中嚼其香甜鹽酒炒用入心腎二臟及

小腸膀胱主腎勞疝氣小腸吊氣李旻理乾濕脚氣
膀胱冷氣腫痛開胃止嘔下食調饑止臭生香為諸
痿霍亂捷方補命門不足要藥療惡腫癰毒搗根葉
汁吞○又小茴香家園栽種類蛇床子色褐輕虛亦
治疝散疼每同煎取效飲饑大料增入尤奇○別種
蒔蘿出自閩廣顆粒似蔓椒開口倍呼蒔蘿椒內有
黑子但皮薄色褐
不紅氣味比茴香更辛散氣除脇肋膨調饑殺魚肉
毒消食開胃溫中健脾

香附子即莎味苦甘氣微寒氣厚於味陽中陰也無毒
近道郊野俱生高州屬廣東出者獨勝狀如棗核周匝
有毛秋取曝乾忌犯鐵器預春熟童便浸透復搗碎

砂鍋炒成若理氣疼醋炒尤妙乃血中氣藥凡諸血
氣方中所必用者也快氣開鬱逐瘀調經除皮膚瘡
癢外邪止霍亂吐逆內證炒黑色禁崩漏下血調醋
末敷乳腫成癰宿食可消泄瀉能固毆熱長毛髮益
氣克皮毛又服利人疎利亦當解悟又引血藥至氣
分而生血故因而稱之曰婦人要藥也

按本經諸方用逐瘀血調經是下氣而推陳也

用治崩漏不止是益氣而止血也又云引血藥至
氣分而生血是又能補何如言相背矣用相矛盾
耶雖然是亦陰生陽長之義尔但本經未嘗言補
惟下老湯用之言于老人有益意有存焉蓋于行

中兼有補補中兼有行正如天之所以為天者健
而有常也健運不息所以生生無窮即此理也

益智

味辛氣溫無毒嶺南州郡歲有生去殼取仁

研碎入藥主君相二火入脾肺腎經在四君子則入
脾在集香丸則入肺在鳳髓膏則入腎三經而互用
者蓋有子母相関意焉和中氣及脾胃寒和禁遺精
併小便遺溺止嘔噦而攝涎唾調諸氣以安三焦更
治夜多小便入鹽湯煎服立效

縮砂蜜

味辛苦氣溫無毒產波斯國中及嶺南山澤

苗高三四尺許類高良莖葉有八九寸長開花近

根嬌燒結實成穗連綴皮緊厚多皺色微赤黃子入

漏一團粒如黍米故名縮砂蜜也秋採陰乾精製如
武先和皮慢火炒熟總去殼取仁研煎與益智子人
參為使入脾與白檀香苴蔻為使入肺黃蘗茯苓為
使入膀胱腎赤白石脂為使入大小腸除霍亂止惡
心却腹痛安胎溫脾胃下氣治虛勞冷瀉併宿食不
消止赤白洩痢及休息痢證總因通行結滯服之悉
應如神起酒味甚香調食饌亦妙

草菓

味辛氣溫升也陽也無毒惟生閩廣八月採收
內子大粒成團外殼緊厚黑皺凡資入劑取子剉成
氣每熏人因最辛烈夏月造生魚鱸亦多用此釀成
故食饌大料方中必仗以為君也消宿食立除脹滿

去邪氣且却冷疼同縮砂溫中焦佐常山截疫瘧辟
山瘴瘴氣止霍亂惡心

按草菓本經原未載名今考方書術其遺缺但
性辛烈過甚凡合諸藥同煎氣獨熏鼻則可知矣
雖專消導大耗元陽老弱虛羸切宜戒也

肉豆蔻

味苦辛氣溫無毒胡國多生嶺南亦產一名
肉菓形類彈丸油色肥實佳麵包煨熟用所入經絡
惟手陽明瘵心腹脹疼卒成霍亂者可止理脾胃虛
冷不消宿食者能溫男婦傷暑血痢有功小兒傷乳
吐瀉立効痢疾助之白粥飲吐瀉佐以生薑湯

白豆蔻

味辛氣大溫味薄氣原陽也無毒原出外番

今生兩廣苗類芭蕉最長葉如杜苦不凋開花淺黃
結子作朶生青熟白七月採收入手太陰肺經別有
清高之氣散胃中冷滯益膈上元陽溫脾土却痰退
目雲去障止翻胃嘔消積食膨

草豆蔻

味辛氣溫陽也無毒交趾徇多生嶺南亦有

苗類杜若梗根似高良薑花作穗嫩葉卷之而生葉

漸舒花漸出如芙蓉淡紅實結苞至秋成殼而熟秋

方老殼方黃似龍眼微銳外皮有稜如施無鱗甲中

子連綴亦似白豆蔻多粒甚辛香應時採收曝乾收貯入劑

剥殼取子行經惟胃與脾去膈下寒止霍亂吐逆噉

臍上痛逐客忤邪傷酒毒尤消口臭即解

謨按草豆蔻用治中脘冷疼鮮有得其真者市蒙

多以草仁假代安獲奇功考究圖經著明形色俾

後醫士過目即知匪但可取効病人抑亦不致欺

於賣者也

霍香

味辛其氣微溫味薄氣厚可升可降陽也無毒

嶺南郡州人多種蒔七月收採氣甚芬香市家多挽

綿花葉茄葉假克不可不細擇爾揀去枝梗入劑專

治脾肺二經加烏藥順氣散中奏功于肺加黃耆四

君子湯內取效在脾入傷寒方名正氣散理霍亂俾

嘔吐止開胃口令飲食增禁口臭難聞消風水延腫

高良薑

味辛苦氣大溫純陽無毒高良係廣屬郡今

誌改名高州薑乃地土所生形多細小而緊徒脾胃消
食下氣溫中除胃間冷逆衝心却霍亂轉筋瀉痢翻
胃嘔食可止腹痛積冷堪毆○結實秋收名紅豆蔻
善解酒毒餘治同前

胡椒

味辛氣大溫屬火有金無毒來從南廣出自西

戎蔓生苗莖軟柔長僅寸半延癸枝條細嫩與葉相
齊子結條中兩兩相對其葉晨開幕合合則將子裹
藏陰氣不沾故甚辛熱狀如鼠李六月採收番人呼
為昧履支中國稱曰胡椒子殺一切魚肉鼈鼉之毒
調諸般食饌湯飲之需下氣去風痰溫中止霍亂腸
胃冷瀉可却心腹冷痛堪除療產後血氣刺痛治跌
撲血滯腫痛食勿過劑損肺傷脾○又單澄茄柄麈
蒂圓係嫩胡椒青時摘取一云何陽生者為胡椒何
陰生者為澄茄化穀食理逆氣多效消痰癖止嘔噦
殊功染鬚髮香身逐鬼氣除脹傷寒欬噫亦每用之
○山胡椒所在俱生顏色烏顆粒畧大止痛破滯俗
用不靈

防風

味甘辛氣溫升也陽也無毒種生沙苑屬河根

類蜀葵秋後採收曝乾入藥殺烏頭大毒惡藜斂芫

姜藜芫花乾姜擇堅實脂潤為良去蘆頭釵股不用係

太陽本經之藥又通行脾胃二經賤居卒伍卑賤之

流聽命即行隨引竟至盡治一身之痛而為風藥中

之潤劑也治風通用散濕亦宜身去身半已上風邪
稍去身半已下風疾收滯氣面頰尤瀉肺實有餘
眩暈頭顱更開目有無見故云除上焦風邪要藥
或候服反瀉人上焦元氣為害豈淺哉花止痛骨
節間亦治風効于消穀胃脘內又調食香葉收採煎
湯主風熱汗出

防已

味辛苦氣平寒陰也無毒多生漢中府屬陝西通

行十二經畏葶藶毒雄黃惡細辛宜便殷孽狀與
木通近似氣吹亦貫兩頭賣家因難得真多採似者
假代殊不知氣味大異無益有傷凡覓拯痾甚宜細
各連因根苗各治名分漢木兩呼漢防已是根破之

紋作車輻解黃實馨香木防已是苗皮皺上有丁足
子青白虛軟宗此辨認庶不差訛並割羊麓皮總咀
成薄片漢者主水氣名載君行音木者理風邪取食
使列故去腰已下至足濕熱腫痛脚氣及利大小二
便退膀胱積熱消癰散腫非用漢者不能成功若療
肺氣喘嗽膈間支滿併除中風卒急風寒濕癘熱邪
此又全仗木者以助効也

漢按東垣云防已性苦寒純陰能瀉血中濕熱通
血中滯塞補陰泄陽助秋冬瀉春夏之藥也儼諸
於人則險而健者類之夫險健者每每幸災樂禍
遇有風塵之警必竟借為亂階然而見善亦喜見

惡亦怒如善用之可使禦敵克暴之人衝突險固之地亦不為無益者也故凡瞑眩之藥聖人安得因之而便廢耶亦必存之以待善用今夫防已聞其臭則可惡下咽則令身心煩亂飲食減少藥之瞑眩誠為拇屈至於通行十二經以去濕熱壅塞腫疼及治下疳脚氣除膀胱積熱而庇其塞則非此不可誠為行經之仙藥也然雖藥力之能亦在人善用而不錯爾復有不可用者數端今悉舉陳使知警省如飲食勞倦陰虛內熱元氣穀氣已虧之病而已防已瀉去大便則重亡其血此不可用一也如人大渴引飲是熱在下焦氣分宜滲瀉之

其防已乃下焦血藥此不可用二也如外感風寒邪傳肺經氣分濕熱而小便黃赤甚至不通此上焦熱病禁用血藥此不可用三也若人久病津液不行上焦虛渴宜補以人參葛根之并溫儻用苦寒之劑則促危亡此不可用四也仍不止如此但上焦濕熱者皆不可用若係下焦濕熱流入十二經以致二陰不通必須審用可也學者宜併覽之

紫蘇

味辛氣微溫無毒各園圃俱栽葉背面並紫氣味香竄者甚美五月端午日採乾發表解肌療傷風寒甚捷開胃下食治作脹滿易差脚氣兼除口臭亦碎梗下諸氣畧緩躰稍虛者宜用子研毆疾降氣定

喘潤心肺止欬逆消五膈破癥堅利大小一便卻霍

亂嘔吐

荆芥

味辛苦氣溫氣味俱薄浮而升陽也無毒山谷

生在處有作蘇香氣又名假蘇夏末採收陰乾待用
須取花實成穗能清頭目上行發表汗解利諸邪通
血脉傳送五臟下瘀血除濕痺破結聚散瘡痍搗和
醋敷風腫疔瘡研調酒理中風強直仍治產後血暈
并末綿入童便

白芷

味辛氣溫氣味俱輕升也陽也無毒所在俱生

吳地尤盛氣甚香竄又名芳香根收處暑蛙無收是日
不色選黃澤効速惡旋覆使當歸通行手足陽明二

經又為手太陰經之引使也乃本經頭痛中風寒熱

解利之要藥亦女人漏下赤白血閉陰腫之仙丹宜

黑作面脂去面癍散目癢止目淚去肺經風寒治風

通用療心腹血痛止痛多宜外散乳癰背疽內托腸

風痔瘻排膿消毒長肉生肌一切瘡瘍並用調治与

細辛辛夷作料治久患鼻塞如神○葉名蒿麻道家

常採煎湯浴躰能殺尸蠱

細辛

味大辛氣溫氣厚於味升也陽也無毒山澤多

產葦陰縣名屬獨良葉類馬蹄莖如麥藁其根甚細

其味甚辛藥中惟採根煎故因名曰細辛也賣者多

以杜衡假代殊不知氣雖小異入口吐人不可不細

擇耳及藜蘆忘生菜畏滑石硝石惡狼菜狼毒山黃

耆雖手少陰引經乃足少陰補藥或用獨滑為使或

佐曾青棗根止本經頭痛如神治諸風濕痺立効安

五臟尤益肝膽温陰經旋去内寒利竅通精清痰下

行婦芍牡本等並甘草當婦芍藥牡丹皮薑本川芍白芷甘草療婦

人血閉神方得决明魚膽羊肝石决明青魚止風淚

目疼切劑寒邪發在裏之表合麻附三味煎湯附子

細辛湯載仲景方口臭及蠶齒腫疼煮濃汁熱含冷吐过半

錢單服令氣塞命傾

麻黃 味甘辛气温氣味俱薄輕清而浮升也陽也无

毒青州彭城並屬俱生榮陽中平並屬獨勝惡

石常宜陳久年深比款用之須依法製去根節單煮

數沸傾上沫用火焙乾任令丸散煎湯方不令人煩

悶以厚朴為使入手足四經手太陰經本經之藥陽

明經榮衛之藥而又入足太陽經手少陰經也發汗

解表治冬月正傷寒如神毆風散邪理春初真温疫

果勝泄衛實消黑斑赤疹去榮寒除身熱頭疼春末

温瘡勿加夏秋寒疫切禁因時已变温熱難抵劑之

輕揚仍破積聚癥堅更劫欬逆痿痺山嵐瘴氣亦可

禦之若蜜炒煎湯主小兒瘡疱患者多服恐致亡陽

止汗固虛根節最妙
按東垣云麻黃治衛實桂枝治衛虛雖俱治太

陽之經其實榮衛藥也肺主衛心主榮麻黃為手
太陰之劑桂枝為手少陰之劑故冬月傷寒傷風
咳嗽者用麻黃桂枝即湯液之源也然麻黃又為
在地之陰陰當下行何謂發汗而升上經云味之
薄者陰中之陽麻黃屬陰氣味俱薄上則陰中有
陽可知矣安得不為輕揚之劑升上而發汗乎但
入手太陰經終亦不能離乎陰之本軀也

局根

味甘氣平寒氣味俱薄軀輕上行浮而微降陽
中陰也无毒各山谷俱生成藤蔓旋長春初發葉秋
後採根入土深者力洪去皮用之効速殺野葛巴豆
下毒入胃足陽明行經療傷寒發表解肌治肺虛生

津止渴解酒毒卒中部溫癰往來散外瘡疹止疼提
中胃氣除熱花消酒不醉殼治痢實腸生根汁乃大
寒專理天行時病止熱毒吐衄去熱燥渴消婦人熱
悶能甦小兒熱痞堪部葛粉耳冷醉後宜餐除煩熱
利大小便歷丹石解鴉鳥毒葉敷金瘡搗亂蔓祛喉
痺燒灰

威靈仙

味苦氣溫可升可降陰中陽也無毒隨處平

澤俱有不聞水聲者良先於衆草而生莖方數葉相
對花開淺碧根甚密稠冬月採根陰乾日選丙丁戊
巳去蘆酒洗忌茗麵湯消膈中久積痰涎除腹中痞
瘳氣塊散瓜甲皮膚風中癢痛利腰膝胠濕滲冷

疼蓋性好走能通行十二經為諸風濕冷痛要藥也
仍毆癥瘕尤瘳折傷虛者切禁用之多服疏人真氣
秦艽 味苦辛氣平微溫可升可降陰中陽也無毒出
甘松龍洞及河陝諸州長大黃白色為優新好羅紋
者尤妙用菖蒲為使入大腸手經養血榮筋除風痺
肢節俱痛通便利水散黃疸遍躰如金誅頭風解酒
毒止腸風下血去骨蒸傳尸

藁本 味辛苦氣溫氣厚味薄升也陽也無毒多產河
東亦生杭郡春採根曝三十日成因其根上苗下狀
與禾藁相同故以藁本為名爾惡藺茹畏青柏氣力
壯雄風濕通用止頭痛顛頂上散寒邪巨陽經得白

並作面脂同木香辟霧露○實以鬼卿為譽主風流
入四肢

芫花 味辛苦氣溫氣味俱薄浮而升陽也無毒又名

雞蘇各處俱種姑蘇龍腦者第一龍腦地名在蘇州府儒亭前此處種

有能驅雞蘇九可此是也五月端午日採乾與蘼

作蘼相宜和蜜炒餞益妙入手厥陰包絡及手太陰

肺經下氣令脹滿消發汗俾關節通利清六陽會

首毆諸熱生風退骨蒸解勞之善引藥入榮衛乃因

性喜上升小兒風涎充為要藥新病瘥者忌服恐致

虛汗亡陽猶悞食之即時昏醉蓋亦物相感爾

香薷 味辛氣微溫無毒三伏堪為采蔬兩京亦每栽

種入藥拯病隨處可收大葉者種優陳年者効捷主
霍亂中腕絞痛治傷暑小便澁難散水腫有微上徹
下之功肺得之清化行熱自下也去口臭有發濁回
清之妙脾得之鬱火降氣不上焉鮮熱除煩調中温
胃○又有一種名石香薷延生臨水附崖葉細辛香
彌甚今多採此拯治亦佳

萎蕤女萎 味甘氣平無毒泰山山谷多生滁州舒州
俱有葉長而狹表白裏青莖葉黃精相同強直似竹
有節故一名玉竹又名地節咸取象也根大如指一
二尺長色黃多鬚其莖可啖開青花春末結圓實其
初入劑採根竹刀刮淨蜜水浸宿文火烘乾勿與水

鈞吻黃精二物俱似萎蕤但萎蕤節上有須仔細辨
毛並斑葉尖如小黃點為異認真假考古方多用畏鹵鹹勿加益氣補中潤肺陰
熱主心腹結氣虛熱温毒治腰脚冷痛天行熱狂止
昔爛雙眸逐風淫四末澤容顏去面黑黥調氣血令
軀康強○又種女萎辛温氣味与萎蕤全別似白欬
蔓生開白花結細子在荆襄每名曰蔓地楚今人常
謬以為白頭翁採得陰乾去頭上白蓋剉成細片拌
豆淋酒蒸從巳至申方取曝用主霍乱腸鳴洩痢瀝
浙風寒理心氣上下无常癰癩寒熱消食啟積出汗
散邪

謹按萎蕤本經与女萎同條考其諸註有指一物



二名有謂自是二物又後女姜与前女姜同名亦云功用並同信非二物疑乃剩出一條也但考陳氏所註謂古方用者又似差殊胡洽治時氣洞下墮下有女姜丸治傷寒冷下結腸丸亦用女姜治虛勞小黃耆酒云下痢者加女姜詳此數方所用乃後加圈女姜緣其性溫主霍亂洩痢故也又茵芋酒用女姜主賊風手足枯痺四肢拘攣女姜膏治身體癰斑刺乃似前与姜蕤同條女姜緣其主風淫四末及去黑黧澤容顏故也藏器亦謂更非二物是不然况此女姜性平味甘後條女姜性溫味辛性味既殊功用有別安得為一物乎又續金驚甲湯治傷寒七八日不解驚甲湯治脚弱並用姜蕤又姜蕤飲主風熱項急痛四肢骨肉煩熱姜蕤丸主風虛熱發即頭痛乃似前与女姜同條姜蕤緣其主虛熱濕毒故也三者主治既殊則非一物明矣又云姜蕤一名地節極似偏精疑即青黏昔華佗所服漆葉青黏散是此也然世无復主辯者未敢為信姑著之以俟明達折衷爾

泉耳實 味苦甘氣溫葉苦辛微寒有小毒本生蜀川今發各處一名蒼耳實小刺多羊过即粘綴毛中故又名之曰羊負耒也秋採微炒入藥最忌猪肉米泔散疥癬細瘡遍身瘙癢者立効毆風濕周痺四肢攣

一急者殊功止頭痛善通頂門追風毒任在骨髓殺痺
蟲溫蠶主惡肉死肌益氣開聰明強志煖腰膝亦堪
久服明目輕身根葉逢端午收藏辟惡入病家无畏
汁搥小便同飲去疔腫如神接安舌下流涎治目黃
一好睡若被犬咬急服弥佳痔癢肛門煎湯熏妙

天名精

味甘辛氣寒无毒各処江湖俱生平原川澤

尤盛与婆荷同狀逢夏秋抽條花開紫白相蕪葉似
菘菜而小本經別款地菘卽此是也五月採曝一種
數名辛味似薑有麥句薑之號香氣如蘭有蟾蜍蘭
之稱仍謂蝦蟇藍因藍狀頗類又呼天蔓菁為蔓菁
畧同別說載名天門精爾雅載名蒟藿豕首昔劉暉
曾拔塞剖麝而蹶起古刘煖射一麝剖除臟腑按此
草塞腹內麝蹶而起煖性而
此便倒如後世復相傳云活鹿草亦曰劉燼草名之
疊出如許之多苟弗考詳寧無疑惑單用垣衣為使
專療折傷金瘡拔腫毒惡疔下瘀血瘕利小便以
逐積水除結熱而止渴煩追小蟲去濕痺亦堪久服
耐老輕身

謨按一種數名者甚多名各有因者誠少此名疊

出咸載所因但既稱活麝之功當亦著濟人之効
歷考古傳方劑並無用之各省明醫絕無識者有
用之藥不得濟用當時徒列多名正所謂雖多亦
奚以為也

防葵

味甘辛苦氣寒無毒一云有小毒不生他郡惟

產襄陽

屬湖廣

一本三莖一莖三葉中抽大幹花開幹

端

色白如葱

葉類葵葉色青根若防風香竄故因名

防葵也

三月三日採根曝乾最易依時入水能

浮切勿誤用狼毒

二根形類但防葵根浮水狼毒根沉水畧少異耳善惡大差用

且謹

藥劑修合製法須知甘草湯浸成塊一宵黃精

汁拌咀片炒燥主膀胱熱結尿溺不通治鬼瘡癩癩

驚邪狂走疝瘕腸洩堪理小腹支滿能破強志除腎

邪益氣堅筋骨血氣痛大如梳摩醋塗上即消中火

者不可服之令恍惚如見鬼狀

蛇床子

味苦辛甘氣平無毒在處田野俱產揚州襄

州獨良春發苗葉成叢青碎彷彿高狀開白花細綴

百餘一窠

四五

結黃子輕塵粒如黍米近秋收採昔

日陰乾所惡之藥有三牡卅巴豆貝母入藥取仁炒

用浴湯帶殼生煎治婦人陰戶腫疼温煖子臟療男

子陰囊濕癢堅舉尿莖歛陰汗却癩癩掃瘡瘍利閏

節主腰膝腫痛祛手足痺頑大風身癢難當作湯洗

愈產後陰脫不起絹袋慰收婦人無娘最宜久服

草龍膽

味苦澁氣大寒氣味俱輕陰也無毒山野俱

有苗高尺餘葉類龍葵畧尖根同牛膝甚苦故因名

草龍膽也須近冬月方採其根甘草湯浸一宿漉出

曝乾待用仗貫衆為使惡防葵地黃止洩痢去腸中

小蟲却驚瀾益肝膽二氣胃中伏熱及時行溫熱能
除下焦濕腫併酒疸黃腫堪退療客忤疝氣治癰腫
口瘡敵驚瀾殺蠱毒酒浸為柴胡輔佐上行治眼目
赤疼努肉必加醫瘡通用空腹勿服令人溺遺

澤瀉

味甘酸氣寒氣味俱厚沉而降陰也陰中微陽

無毒淮北雖生不堪入藥漢中所出方可拯痾蓋因
形大而長尾有兩岐為異耳但易蛀朽須密收藏製
宗雷公酒浸曝用畏海蛤文蛤二藥入太陽少陽足
經君五苓散中因其功長於行濕佐八味丸內引桂
附寺歸就腎經去陰汗大利小便瀉伏水微養新水
故經云除濕止渴聖藥通淋利水仙丹久服輕身多

服昏目葉壯水臟通血脈行乳汁催生實主風痺除

濕邪強陰氣益腎服久無子惟面生光

謨按澤瀉多服雖則昏目暴服亦能明目其義何
也蓋味鹹能瀉伏水則胞中留久陳積之物由之
而去也瀉伏水去留垢故明目小便利腎氣虛故
昏目二者不可不知

瞿麥

味苦辛氣寒降也陽中微陰無毒王泰山川谷

今處上有之結實與麥同形故因名曰瞿麥立秋收

採風際陰乾惡蟬蛸使藥牡藥草利小便使君主可用

决癰腫佐使堪為去目醫逐胎下閉血出刺

通草

味甘淡氣平味薄降也陽也陽中陰也無毒產

江淮山谷如指大藤莖正月採收陰乾入藥因孔節相貫吹口氣即通故此得名去皮咀片瀉小腸火鬱不散非他藥可倫利膀胱水閉不行與琥珀相等消癰疽作腫療脾疸嗜眠解煩噦開耳聾出音聲通鼻塞行經下乳催產隨胎實結如小木瓜名曰鷲腹白核亦能治翻胃證除熱三焦根治項下瘦瘤多取絞汁頓服○又種心空有瓠與燈草同乃通脫木立名憑揉碎用潔白輕虛可愛女工每剪飾花利水使陰竅通和退腫令癰閉舒泰更治產後下乳如神

漢按通草通脫木經云行水專利小腸且多也藥之治既為良藥當勿傳訛奈何耳書每以通草

作別條木通以通脫木反呼名曰通草致使市家真偽混賣誤人甚多殊不知本草立名各在首篇當通脫木因瓠中藏脫木得之名竟直述通草藤莖不甚長大故以草稱木通係俗培葡萄藤莖且大且長特加木字總曰通者孔竅悉同行水利腸固並建効其治他證雖百木通不能及一通草矣齊聖並駕安得謂乎况木通栽多家園皮薄堅確實名蒲萄通草產自山谷皮厚軟柔名鷲腹通脫木輕虛潔白皮木脫除三者內似殊極易分別名正言順何得恃遠只緣堅信耳聞不復詳考經意錯亂顛倒莫覓其非醫誤猶閉病悞深可憫也

玄參

味苦鹹氣微寒無毒春生深谷莖方葉似芝蔴

又如槐柳細長秋取傍根正根初白乾旋紫黑昇聞微臭咀

片忌銅誤犯餌之噎喉喪目古人深戒口具載醫通

氏鑿惡者棗姜菜黃善大棗生姜山茱反藜蘆一可為君藥

惟走腎經強陰益精補腎明目治傷寒

忽如不知人療溫瘧寒熱往來灑上時

人產乳餘疾馭男子骨蒸傳尸逐腸內血瘕堅癥散

頸下痰核癰腫蓋此乃樞機之劑管領諸氣上下肅

清而不致濁治空中氤氳之氣散無根浮遊之火惟

此為最也

波參

味苦甘氣微寒無毒江淮復多寃句端尤妙而

生崖壁上苗高二尺餘葉類枸杞有叉杆根若葵根

而筋大近夏花開白色瓣瓣有白粘膠圖經膏云此

為小異秋後採根曝用中正白實者佳反藜蘆惡防

已乃足厥陰本經藥也治諸毒排膿消腫安五臟益

肺補肝止疝氣絞疼散浮風瘙癢除邪熱去驚煩易

老用代人參形實不同蓋取味之苦甘瀉中兼補畧

相類爾

丹參

味苦氣微寒無毒山谷有在處多莖方稜長尺

餘青色葉相對似菱荷有毛花紅紫夏開根麓長冬

採畏寒水石也反藜蘆專調經脉勺善理骨節痛生

新血去惡血落死胎安生胎破積聚癥堅止血崩帶

下脚痺軟能健眼赤腫可消散瘦贅惡瘡排膿生肉
碎精魅鬼崇養正酸邪更治腸鳴幽幽滾下如走水
青箱子 味苦氣平微寒無毒園圃俱有江淮獨多莖
直似蒿青紅葉大如柳柔軟花上紅下白形類鷄冠
脚野雞冠花 子黑扁而光粒同莧實六月收取多治
眼科去肝臟熱毒上衝青盲翳腫除心經火邪暴發
赤障昏花堅筋骨鎮肝益腦髓聰耳 **莖葉** 亦妙春採
陰乾治風熱瘙癢於皮膚癢疥痔蟲匿於下部止金
瘡去血塞鼻衄來紅

謨按本經款內載曰子名草决明意謂功專治眼
特假別名以美之非真為决明子也若以為然則

原揭諸簡端何不直書而但曰青箱子乎正猶沙
參一名知母龍眼一名益智名同而實異也且別
條所載决明子藥粒狀稍大主治尤優世醫弗明
或偏執一不免得此失彼大幸藥味之能矣幸而
此曰草决明彼曰决明中兩名雖一上下字差畧
此分別不同讀者不可不識也

木賊 味甘微苦無毒苗長尺餘寸寸有節產自秦隴
諸郡色青凌冬不凋夏至莖收手搯節淨憑煎湯液
任合散丸益肝膽退目醫暴生消積塊止月經久滴
極易發汗大能疎邪得麝香牛角鯢治休息痢證得
芎歸餘糧石治赤白崩中得桑耳槐鵝療腸風下血

得槐子椒殼療痔瘻來紅

惡實

即牛旁子

味辛苦氣平無毒原產鄧州屬河南今生各處

葉如茵芋葉長大實似蒲萄核褐黃殼類粟稗小而多刺鼠過之則綴惹不落故又名曰鼠粘子也秋後採取製宜酒蒸止牙齒蝕疼故面目浮腫退風熱咽喉不利及腰膝風凝毆風濕癰癧盈肌併瘡瘍毒盛生吞一粒即出瘡頭明目補中潤肺散氣

麋街

味苦氣平微寒無毒素問名曰麋街南人謂之

吳風草也根莖赤黑花開淺黃葉叢生似芫蔚有毛種兩般分大小各喚大者名大吳風草小者名小吳風草麋鹿有疾街此草差素問之名又因此出產漢

中川谷及宛勾邛邛屬西

秋採莖葉陰乾須得秦皮

為使主風淫濕痺致歷節痠疼瘰癧吐瀉驚癇及鼠瘻癰腫却熱除痿感逐水消暴癰婦人服之絕產無子

謨按神農經中藥之靈者不計千百何獨麋御矢

醴並著素問擅名滑氏讀鈔亦嘗論及乃曰矢醴

麋街治人疾也豈誠二藥果有過乎諸藥之能以


致喋喋贊美之如是耶蓋緣上古之前俗尚質朴

人所病者多中實邪二藥專攻正與病對用每輒

效故錄其名中古以來咸滿酒色病之着躰虛損

君多藥宜補調難行攻擊由是雞矢淬酒無復下

咽麋街之名絕不聞耳正孟子所謂彼一時此一



時故也不然利前之藥豈有不利於後乎

敗醬

味苦鹹氣平微寒無毒倍呼苦蘼菜多生深谷
一中入劑用之夏初收採因似敗豆醬氣故以敗醬為
名入足少陰腎經及手厥陰包絡除腫癰排膿散血
破癰結催產落胎去疽痔疥癩卻毒風痺痺鼻洪吐
血能止腹痛凝血可推

白薇

味苦鹹氣平大寒無毒近道處處俱生根類牛
膝短小三月三日收採陰乾惡黃耆大黃乾薑及乾
漆山茱大棗主中風身熱肢滿忽忽人事不知療温
瘧寒熱痰洗洗有時發作狂惑鬼邪堪却傷中淋
露可除利氣益精下水滲濕

白前

味辛辛氣微温無毒出江浙蜀川生洲渚砂磧
葉如柳樹葉苗似芫花苗根籠長與牛膝頗同但堅
脆音而柔軟鮮有凡資入藥秋後採根甘草湯浸一
宵折去蘗鬚焙用欬嗽上氣能降胃脇逆氣堪散氣
壅膈倒睡不得者殊功氣衝喉呼吸欲絕者立效仍
治氣塞咽嗑時作水鷄聲鳴故古人氣嗽方中每每
用之不遺亦以其善主一切氣也又能保定肺氣温
藥佐使尤奇

謨

按白薇白前近道俱有苗莖根葉形色頗同儻
誤採收殺人頃刻必辯認的實方入藥拯疴白前
似牛膝籠長堅脆易斷白薇似牛膝短小柔軟能

芎仍噬汁味相參度不失於差悞此醫家大關鍵
匪特一藥為然凡相類者俱不可不細察爾

白鮮

味苦鹹氣寒無毒山谷俱有苗莖尺餘嫩可葉

稍白似槐葉尤繁花淡紫四月如蜀葵畧小根與蔓

青彷彿心實皮色白黃二月採根取皮差脫則虛惡

也因艱作羊羶氣息故倍加羊字呼名俗呼為惡枯

梗蝶蛸及茯苓草薺療遍身黃疸濕痺手足不能屈

伸治一切癩毒風瘡眉髮因而脫落消女人陰腫或

產後餘疼止小兒驚癇併淋瀝欬逆時熱發狂飲水

多多煎服尤宜葛洪治鼠疫有膿熬白鮮皮膏吐出

立愈李兵部理肺嗽不已製白鮮皮湯飲下即差

狗脊

味甘苦氣平微溫無毒溪谷多生在處俱有根

採類金毛狗脊故假為名酒蒸須從巳至申總咀入

劑惡敗醬使草薺治腰背強疼閑機緩急理脚膝軟

弱筋骨損傷女子傷中欠調老人失溺不節周痺寒

濕並可醫瘡

菴藷

味苦氣微寒微溫無毒苗如蒿文處處叢生

十月採實陰乾荆實意以為使江南人家亦多種此

以辟蛇也消食明目益氣輕身主女人經澁不通扶

男子陽痿不舉消水氣作脹散瘀血成癰打撲折傷

風寒濕痺腰膝重痛骨節痠疼多服獲效全安久服

延年不老

茵陳蒿

味苦辛氣平微寒陰中微陽無毒隨處俱生
泰山者良葉細青高雖同葉皆白色却異秋後葉落
莖梗不凋至春復發舊枝故因名茵陳蒿也所行經
絡惟足太陽專治疸症發黃入劑仗為君主佐梔子
附子分陽熱陰寒陽黃熱多有濕有燥濕黃加梔子
大黃湯服燥黃加梔子橘皮湯煎如茵澇則濕黃苗
旱則燥黃濕則濕之燥則潤之意也陰黃寒多只有
一證須加附子共劑成功解傷寒大熱仍除退瘴瘧
風熱悉逐行滯止痛寬膈化痰久服輕身益氣耐老
實高即青味苦氣寒無毒山谷川澤隨處有生葉實根
莖並堪入藥春夏採用莖葉為宜入童便蒸之

蒸勞熱生搗亂絞汁卻心痛熱黃瘰肉腫癰燒灰淋
濃湯點洩痢鬼氣研末調米飲吞秋冬用之取根與
實實須炒過根乃咀成愈風癰疥癢止虛煩盜汗開
胃明目辟邪殺蟲○**白蒿**即蓬蒿別名似青蒿而葉粗上有白毛
錯補中氣去濕黃長毛髮殊効○**邪蒿**似青蒿細軟
利腸胃通血脉續不足有功○**葉**長齊頭一名齊頭
蒿充皮膚血脉滿盛○**葉**花罷作角主口齒疳
惡瘡○**虞蒿**比小蘇芻殊下氣破血○**原蒿**與黃菊
近似安心養脾○又**茵陳蒿**類芫蔚葉倍呼虎麻芫
蔚亦理風濕癩瘍

按諺云三月茵陳四月高人每誦之只疑兩藥

一種因分老嫩而異名也殊不知葉雖近似種却不同草蒿葉背面俱青且結花實因陳葉面青背白花實全無况遇寒冬尤大差異茵陳莖幹不凋至春復舊幹上發葉因幹陳老故名茵陳草蒿莖幹俱凋至春再從根下起苗如草重出乃名草蒿發舊幹者三月可採產新苗者四月纔成是指採從先後為云非以苗分老嫩為說也

茅根

味甘氣寒無毒曠野平原無處不產本為蓋屋草俗呼過山龍收採洗去衣皮掐斷忌犯鐵器其美可啖斷穀甚良下淋利小便通閉逐瘀血除客熱在腸胃止吐衄因勞傷解渴堅筋補中益氣破血

下水腫花止血仍晉金瘡又有茅針一名茅筭禁崩

漏塞鼻洪腫毒未潰服之一針便潰一孔屋陳久酒浸煎濃吐衄血來服亦即止續花老屋上及得醬

汁和研斑瘡螫咬瘡可敷屋收治鼻洪尤驗

取屋滴水飲殺雲母石毒雖知○又種管莖花甘溫無毒亦止吐衄可貼灸瘡

僂

味辛氣溫有毒西域多有蜀浙亦生葉青似茅故此為蒼其根獨莖而直旁附細根肉黃白多涎外皮籠褐二月八月採根曝乾梵語呼阿輪乾陁南人呼婆羅門蜜咀禁鐵器製浸米泔去赤汁毒出無防忌兩般牛肉牛乳主心腹冷氣不能食療腰足挛

痺不能行夫夫虛損勞傷老人失溺無子益肌膚明
耳目助陽道長精神久久服之通神強記傳云十斤
乳石不及一斤僊茅亦表其功力爾誤服中毒舌脹
者急飲大黃朴硝數杯仍以末搽舌間遂旋愈也

甘蕉根

味甘氣大寒無毒種類不一地產亦殊川蜀

若作花大蔓堪觀

卷葉中抽幹作花初生大蔓如倒垂齒齒閩廣者結實

極美可噉他處雖有花實俱無近歲都下往往種之
並係芭蕉葉類同實非共一種也此指有子者為
是須待立秋後採根絞汁服主天行狂熱悶煩悞服
金石燥渴產後脹悶奇効悉臻搗亂敷去小兒赤遊
丹毒大人發背癰疽風癩頭瘡神功立應舊注在於

皮內竹筒插入吸來

如取漆法煩渴飲差鬚髮全黑暗

癩悶暈欬倒急飲下一吐便甦生青熟黃可曝乾

寄遠北地以為珍菓食每蒸熟取仁潤心肺生津通

血脉填髓性雖相類醫方內不載拯疴但

吸其油亦能黑髮

益植

味苦酸氣平無毒一云有小毒人家園亭多以

盆植莖葉堅厚隨挿隨生倍名掛壁青謂無土養不

痒又名慎火草因治火瘡立差煎湯活小兒熱刺癩

瘡搗爛敷小兒赤遊丹毒金瘡蠱毒兼療風驚熱燥

總醫花香細淺紅帶赤白能止

甘蕉

味辛氣溫無毒淄齊淮間俱有卑溫川澤總

生春暖茂榮冬寒枯槁葉如柳葉兩七相當根類細
辛匾匾短小氣艱亦似三月採收瓮杵以少蜜拌勻
磁甑蒸三伏曝用去蠱毒疫疾殺鬼物精邪溫瘡祛
惡氣逐久服強悍輕身延年

黃藤根

味苦氣平無毒藤生三四尺高莖根與小桑

類萬州

者緊重他處者輕虛十月採根外科多

用主咽喉痺塞及諸惡腫毒瘡疽治蛇大咬傷併馬
走心肺積熱生搗取汁亦合亦塗肉味酸消癭甚
捷收須浸酒日飲數杯見効即停不爾項縮

石龍鬚

味苦氣寒微溫無毒生長山谷溫地九節冬
味者良又名龍鬚織蓆堪用五月採莖日曝九月採

根陰乾通小便不利熱淋除內傷不足虛痞殺鬼
惡毒去尿管澁疼潤皮毛槁枯剖心腹邪氣久服延
壽明目輕身○敗蓆煎湯治淋亦効

石龍芮

味苦氣平無毒雖生川澤惟出益州

叢葦莖

一莖三葉葉芮芮短小多缺子綴綴色黃味

辛如葦

又云有兩種類水生者葉光澤子圓陸生者

葉有毛子銳入藥劑內水生者佳二月八月採皮五
月五日收子以大戟為使畏蛇蛻吳茱平胃氣入和
胃氣作蒲補陰氣不足莖冷失精風寒濕痺齊敲心
腹邪氣竟解通利關節悅澤皮膚久服明目輕身令
人結孕育子其陸生者天灸另名取少葉搽繫臂上



宵作大泡状如火燥赤善惡懸隔不可不知

絡石 味苦氣溫微寒無毒陰山峻壁隨處有之多包

絡石間或蔓延木上莖節着處即生根鬚葉圓凌冬
常青花白結子細黑與薜荔木連地錦石血等同一
類焉人家亭圃石山亦每種為翫飾採莖葉入藥擇
附石為良畏具毋萑蒲使牡丹杜仲喉閉不通欲絕
水煎湯下立甦昔癰疽腫延開蜜和汁服即效堅筋
骨強健腰足利關節潤澤容顏去風熱死肌解口舌
乾燥蛇毒心悶能散刀斧瘡口可封久服輕身通神
明目延年耐老○**薜荔** 雖同絡石莖葉瓮大如藤治
背癰將葉採收煎酒飲下利即愈○**木連** 味苦附大

而生苗藤似寄生黃綠直上枝葉如石韋豐厚且

任採煎湯或收浸酒初服壯陽卻病久服耐老延年

藤汁 取之堪敷風毒掃白癩風癩除疥癬癰瘍子生

大類蓮房一年一熟房內多白汁久漸黑凝被血

甚良依時收採子亦入藥並載圖經○**地錦** 味甘葉

如鴨掌藤蔓著地隨節有根亦緣木石沿長每耐寒

凍不瘁煎湯浸酒破血止疼祛產後血凝逐腹中血

痕○又種石血亦以血攻狀與絡石相同但葉失而

半赤石崖多產收取無時煎酒建功隨胎亦速

7
8
512

本草蒙筌
卷首

21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

国立国会図書館 タイトル『撮要便覧本草蒙筌12卷首1卷』 請求記号 特7-512

ガラス使用



特7
8
512

3-96

21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

国立国会図書館 タイトル『撮要便覧本草蒙筌12巻首1巻』 請求記号 特7-512

ガラス使用



国立国会図書館 タイトル『撮要便覧本草蒙筌12巻首1巻』 請求記号 特7-512

ガラス使用